

金文通公集

金文通公詩集總目錄

吳江金之俊豈凡著

珥筆閒吟

卷之一

五言古

七言古

卷之二

五言律

七言律

卷之三

五言絕

七言絕

金文通公詩集卷之一目錄

吳江金之俊豈凡著

珥筆閒吟

五言古詩

早還邸舍卽事

耳聾自嘲

冒雨趨直

苦雨

送沈繹堂太史備兵禹州

用劉憲石韻

寒露後驟寒有感

春早入直

和憲石韻

廣太白空城雀

反太白對酒行

直幕漫興

寓竹林寺

又竹林寺卽事

送金君彩尉善化

雨餘卽事和憲石韻

蒙 恩輪直早休

七言古詩

南苑雨後看奇雲

讀太白來日大難而廣之

苦寒行

時冬至後一日

冬日行

冬月行

南苑雪夜看西山

和沈石田歸燕歌

春日雪中入直

金文通公詩集卷之一

吳江金之俊豈凡著

珥筆閑吟

五言古詩

早還邸舍卽事

每逢下直時。烟紫西山暮。盡瘁敢言疲。恩深良可懼。獨嗟衰老身。衆病于焉聚。不料日甫移。退食爭趨

步牽馬過禁垣。同人笑相顧。來往驅馳間。幾見日當
路。入門婢僕驚。穉子尤歡慕。君旣賜晷。閱盥沐。是
先務。科跣坐南窓。風來不借樹。何必賦長林。悠然慙
吾素。

耳聾自嘲

老至五衰侵。自知還自憐。猶憶二年前。雙耳未全棄。
血枯火上炎。歲殊復月異。籟寂本無聲。雜響紛然萃。
隨人開笑顏。未解歡娛意。車馬過門前。驚雷仰天視。
婢僕掩口啞。穉子亦來戲。潦倒政事堂。撫心能不愧。

冒雨趨直

驚逢初伏節。雲暗雨如決。庭前駭浪翻。門外行人涉。
濕烟迷酒旗。深潭沒車轍。毘陰咎在臣。轉貽主憂。
切。珥筆何所爲。衰遲空蹙躒。

苦雨

斷雲障曉窓。急雨奔泉注。衢巷倏成川。馬牛爭蹇步。
陰霧瀰遠天。亭午常疑暮。欹棟醉欲傾。頽垣平可渡。
雛雀失巢簷。濕螢依草住。市民愁露居。鄉農苦徵賦。
聖主正憂勤。天心似餘怒。厥咎有攸司。衰庸敢

自恕

送沈繹堂太史備兵禹州

用劉憲石韻

修文兼飭武。用大彰吾道。九霄鸞鳳姿。驟雲奮翮早。
東觀富圖書。治畧無不討。聖代崇儒術。惟爾才名
好。貌若不勝衣。腹笥甲兵老。鈞州古雄藩。屏翰須碩
抱。軒車行至止。軍民立蘇稿。報最寧侯碁。化成風偃
草。大河日夜流。助爾詩情浩。政事有餘閒。吟咏亦足
寶。由來將相資。出入咸可考。茲行匪久役。別緒爲君
掃。

寒露後驟寒有感

寒露甫司節。西風何凜冽。霜信籬菊催。雁響寥天徹。
年衰薄重衾。病久思丹訣。婆婆政事堂。魂夢憇巖穴。
無以報。君恩空自添疲茶。

春早入直

和憲石韻

暮齡怯早春。擁裘尚畏冷。蒼茫粒雪飛。四顧迷山影。
咫尺承明門。馬滑蹇馳騁。勞攘羣動中。低頭嘿自省。
恨未多讀書。猶岐動與靜。

廣太白空城雀

休嘆空城雀。蕭條身計促。紛紛廣所營。禍患于焉伏。
下有羅網懸。上有烏鳶逐。一飽來百憂。忍饑謝倉粟。
高飛雖未能。庶免危機速。

反太白對酒行

衰遲徒蹙蹙。對酒轉生愁。恒憶少壯時。來往醉鄉遊。
銜杯徹宵旦。不知春與秋。荏苒數十載。酡顏羞白頭。
薄飲三四盞。氣弱不自由。酩酊既未能。一醒攢百憂。
安得昔賢比。曠達追陶劉。不如啜苦茗。默坐萬慮收。
往事明歷歷。歲月空悠悠。浩然忘醉醒。卽此躡仙儔。

自古千秋同暮旦。何必潦倒戀糟丘。

直幕漫興

十月小春候。寒暖時難就。暮靄與晨烟。迷離失遠岫。
平野廣無垠。獸肥草益瘦。珥筆多餘閒。目送麋兔走。
倦來手一編。引睡如逢舊。殘月帶霜明。征鴻過斗宿。
歲歲此直廬。涓埃靡補救。中夜起徬徨。撫心徒自疚。

寓竹林寺

有寺名竹林。荒寂愜余性。禪扉終日扃。古佛孤燈映。
鳥至亦無羣。何況車馬競。一僧北平來。枯坐習苦行。

不談教與宗。三昧得無諍。我非逃禪者。美彼樂清淨。
又竹林寺卽事

幽棲得竹林。古殿餘荒草。香積半生塵。松風無力掃。
梵唄鮮唱酬。隣磬來樹杪。昏鴉過不留。一絲新月皎。
未能道心生。已覺除煩惱。入山何處深。只在長安道。

送金君彩尉善化

余嘗備兵星沙

君向長沙去。長沙僕舊諳。古人有此句。今恰對爾談。
山雨飛來翠。江烟起處酣。俗情寧狡悍。稅重苦難堪。
督賦爾專司。可能予民甘。雖稱卑濕地。不異我東南。

薄祿萱堂奉。晨昏就養湛。好佐雙鳧理。佇膺百里擔。
雨餘卽事和憲石韻

欲霽雨猶零。芳菲新沐樹。亂雲飛曉空。濕鳥破烟度。
一望綠盈盈。上林餘野趣。君仁及鹿麋。馴擾恣人
顧。機忘人不驚。至道目前寓。但渾爾我形。何必羲皇
慕。

蒙 恩輪直早休

君恩念衰老。退直更番早。報稱靡涓埃。驅馳空潦倒。
才庸力易疲。事簡神仍稿。只合偃丘園。寧堪濫師保。

中夜起徬徨。臣心怒如擣。

七言古詩

南苑雨後看奇雲

殷雷震耳來西北。變隼凝陰雨氣濛。
清風忽至雷漸遠。東南突兀起奇峰。
氛氳煙霧洪濤浴。疊嶂嶙峋千萬重。
彷彿峩眉插天半。還訝五嶽盡來同。
無數樓臺懸石壁。疑有虎豹踞其中。
徘徊注視神飛越。奮足登躋恨莫從。
須臾夕霽奇峰徙。惟見西山翠色濃。

讀太白來日大難而廣之

來日大難。今古同歎。往來相續。如環靡端。彭天而殤
壽兮。達人。之大觀。高陵與深谷兮。瞬息之波瀾。將謝
朱門而遊蓬萊兮。不過一枕邯鄲。抑嗽雲英而挹玉
膏兮。何殊塵煮沙搏。我欲溷仙凡。忘苦樂。悠悠任運
而盤桓。庶幾無去無來。無難無易。寒則衣兮。饑則餐
又奚羨。夫太白之想鶴駕與鸞駮。

苦寒行

時冬至後一日

寒蕪漠漠。西風陟。老樹爭雄。怒濤吼。日白雲黃。冷色
侵。只愛紅爐。不思灑凍鳥。無聲似僵。舌捩馬蕭蕭。嘶

還咽野幄吹烟午未生。短髯噓氣攢冰雪。豈曰無衣
續與綠。盡失餘溫透肌嚴。衰齡永夜難成寐。不信陽
生一線添。

冬日行

從來愛日冬爲尙。我有直廬東郊傍。向雲曉散甫開
簾。扶桑早已射微炎。廣陌霜痕消不盡。疎林鳥語遙
相引。寒暉照處噓和徧。若比春陽奚足羨。婆婆曝背
懶擁爐。願效葵心向金烏。

冬月行

人言明月惟秋好。我謂三冬月。乃寶霧捲霜嚴。光倍
瑩。寒空萬里淨如掃。上林宿鳥凍不飛。冰河激射呈
瑪瑙。滿目淒清景色荒。擁褐徘徊胸浩浩。

南苑雪夜看西山

用憲石韻

雪滿西山失林麓。一片白雲遙矗矗。寒曦倏上淨長
天。漸次嶙峋帶烟簇。危梁瘦脊影參差。半似殘粧半
初沐。羊牛下來夕照沈。疑有梨花飄暗谷。咫尺離宮
杳難躋。擁裘恣眺迷心目。

和沈石田歸燕歌

送歸燕送歸燕歲歲此時增。綵繡不知秋老將安棲。
依舊陽春還故院。送歸燕送歸燕翠幕雕欄曾繞遍。
多少繁華眼底過。金風歛起歸如箭。語勞勞目眊眊。
雙飛雙宿只隨緣。社去社來期勿變。主人雖有興衰。
兮。詎忍視之爲郵傳。一自委身于堂簷。偏值雨風而。
眷戀。嗟彼世態之炎涼。未終朝兮已反面。

春日雪中入直

九十未光已去半。寒威凜冽冰弗泮。同雲漠漠連山。
凝。飛霰滿空愁饑鷹。豈是長安花信遲。故飄瓊屑亂。

梅枝只恐三農舉趾日。或妨夏麥。芟初苗。恃有君
德感蒼穹。依舊雨暘協。歲功惟慙。潦倒古稀年。躑躅
泥塗未歸田。

金文通公詩集卷之二目錄

吳江金之俊豈凡著

珥筆閒吟

五言律詩

春日直舍西清

清和朔西清晚直

瀛臺曉色

瀛臺夕照

瀛臺偶就

瀛臺初夏

初夏晚直

西苑柳絮

初夏晚直喜雨

曉直初霽卽事

晚直卽事

南苑移直 西宮卽事

南苑移直 東宮卽事

偶興

南苑雨後聞鶯志喜

南苑晚眺

閏五再直瀛臺對雨卽事

雨夜同張芝庵表弟小飲話別

雨中退直

送張芝菴南歸兼寄慰兒曹

漫興四首

贈別芝菴表弟

晚直卽事

直舍散步卽事

直舍觀荷

夏日晚直卽事

退直喜晴

六月十七夜雨曉晴是日立秋

署中立秋卽事

新秋初霽夜坐

秋日直舍卽事

六月晦日署中卽事

秋夜感懷

初秋夜坐微雨卽席感賦

七夕直舍待漏候頒 宮殿告成恩詔

秋日送新安程幼洪館丈之任蘇州

直舍賜食紀恩

中元署中卽事

南苑雨夜集飲和憲石韻

南苑夜雨

是夜秋分

秋霽署中卽事

八月初九日退直卽事

八月十二日退直翫月

長安中秋望日翫月

長安中秋望後一日翫月

八月十八夜月蒙有感

中秋二十夜小坐復喜得月

八月廿六夜微雨小集

九日直舍卽事

九日友人招飲卽席有感

菊月夜坐有感

立冬前一日退直卽事

冬日扈從南苑卽事

小寒日再移直卽事是夜雪

喜雪二律

冬夜直幙感懷

秋色

秋聲

秋山

秋水

秋日

秋月

秋夜

秋塞

秋圃

秋齋

雪窓漫興

齋居漫興三首

寺居雪後卽事

竹林寺看歸鴉

立冬夜卽事

送張聲子南還

送嚴子餐都諫給假南歸二首

哭王鐵山冢宰二首

七言律

丙申夏五再承 欽命寫像紀恩

端午瀛臺侍宴紀恩

直南苑 西宮卽事

南苑喜晴

瀛臺值雨

西苑喜晴

賜蓮實紀恩

初秋雨霽禁池荷花盛開

秋日送新安程幼洪館丈之任蘇州

友人偶集小齋看菊

冬日扈從南苑卽事

冬十月從狩閱武恭紀

南苑雪齋卽事

哭王鐵山二首

集黃薛侯池亭卽席韻

酬謝憲石示詩

金文通公詩集卷之二

吳江金之俊豈凡著

珥筆閒吟

五言律詩

春日直舍西清

珥筆傍楓宸來尋上苑春
波明白鳥狎柳嫩絳臺新
撫景承恩渥憂時負罪頻
逡巡糜歲月空自憶垂

綸

清和朔西清晚直

禁苑清和節。晴光靜且妍。澄波涵碧影。遠岫吐輕煙。
日極歸鴻外。神恬落照先。還家無一事。小飲卽高眠。

瀛臺曉色

曉煙浮禁苑。極望意無窮。鳥影空濛裏。人聲杳靄中。
新蒲爭柳碧。高閣帶霞紅。漸次晴光燦。疑遊闌苑宮。

瀛臺夕照

風清臺榭迥。錦繡夕陽天。遠樹迎霞立。長虹吸水眠。

徘徊思 主澤哀暮借臣年。未有涓埃報空隨景物
遷。

瀛臺偶就

蓬瀛初入夏。巧繪亦難圖。蚤暮烟霞幻。陰晴翠靄殊。
身雖依 殿陛。意已足江湖。只愧衰庸甚。無能翊廟
謨。

瀛臺初夏

禁城初夏節。物候正繁華。柳絮隨風亂。遊絲映日斜。
魚。依。新。藻。渚。燕。入。舊。巢。家。爲。惜。桑。榆。景。良。辰。莫。再。賒。

初夏晚直

隨行消永晝。獨眺暮霞天。波靜閒鷗意。風輕宿柳煙。
微。茫。人。影。亂。雜。沓。馬。蹄。還。穉。子。迎。門。立。牽。衣。勸。醉。眠。

西苑柳絮

禁苑柳陰叢。行人舞絮中。飄颺時戲蝶。繚亂不因風。
徑。草。增。顏。碧。瓊。樓。度。影。空。斜。陽。如。有。意。點。點。綴。輕。紅。

初夏晚直喜雨

西清退直時。膏雨正淋漓。碧柳爭新沐。昏鴉覓故枝。
格。天。昭。主。聖。潤。物。慶。民。嬉。不。覺。歸。途。溽。惟。占。二。麥。

宜。

曉直初霽卽事

四野甘霖足。蓬瀛曉霽初。新蒲擁翠至。細草帶烟舒。
渚漲蛙聲潤。山明鳥路疎。婆娑空署尾。無異老樵漁。

晚直卽事

霽霽西山紫。離宮欲暮時。風輕疎柳眼。水湛靜鷗思。
爽氣涼衣袂。霞光盪酒旗。到家方落日。伸紙續殘詩。

南苑移直 西宮卽事

移直親行輦。西山爽氣迎。塵稀綠土潤。樹遠覺風輕。

獨鳥天邊至。奇雲野外生。不須窮眼力。自足曠心情。

南苑移直 東宮卽事

夏日重移直。君恩賜綠陰。長林攢影厚。密葉貯涼襟。深引睡憑書卷。消愁藉咏吟。隨行署尾外。風至卽披襟。

偶興

性拙懶逢迎。欣隨護蹕行。直廬饒野意。老樹動閒情。好句同人贈。清風獨坐生。漫言泉壑趣。卽此謝塵櫻。

南苑雨後聞鶯志喜

年衰睡未足。枝上曉鶯啼。絮絮吹鄉夢。聲聲喚客迷。
新禾含雨潤。遠岫帶烟低。四野甘霖徧。懽情物亦齊。

南苑晚眺

微雨初收後。西山翠靄中。濃陰環野碧。殘照一絲紅。
樹老生秋氣。年衰怯晚風。平原目盡處。惆悵意何窮。

閏五再直瀛臺對雨卽事

再直西清舍。重逢夏五時。繁雲迷苑柳。密雨響荷池。
水潤層臺遠。天低濕鳥遲。頻驚移物候。倍愴暮年思。

雨夜同張芝菴表弟小飲話別

本是棠花侶。萍逢旅舍中。鄉思縈夢異。客緒憶歸同。
暗雨窓前急。清樽燭下紅。莫辭良夜醉。欲別又西東。

雨中退直

甘霖聞已遍。未息蛟龍戰。竟日暗重雲。連宵驚疾電。
烟凝失遠山。草濕低新燕。衰老怯歸鞭。深泥馬足濺。

送張芝菴南歸兼寄慰兒曹

雨歇來明月。樽前話別時。離情鍾老景。酒語惹鄉思。
後晤應非遠。今宵未敢期。君恩端的重。衰病許陳辭。

漫興

西清趨直久來往。晤青山信足蒼烟遶。迎眸碧水環
年衰耽一枕才拙有餘閒。只爲君恩重無詞謝鈍
頑。

其二

轉睫韶光換低頭憶草堂。誰知黃閣暇不似白雲忙。
閉戶山猶淺臨流暑亦涼。林泉歸未得靜裏且徜徉。

其三

每出迂朝瞰歸來帶雨痕。候門唯穉子小飲欲黃昏。

夢裏尊鱸味。圖中水竹村。婆娑忘歲月。恍惚到家園。

其四

暮雲來細雨。仰視忽青天。捲幔迎風入。移牀借月眠。
有心清客夢。無計了塵緣。侵曉驚趨直。盈眸紫禁烟。

贈別芝菴表弟

天涯惟表弟。記得少陵詩。旅况余經慣。親情爾自知。
昨來將歲暮。今去近秋時。不盡離亭緒。蕭蕭匹馬遲。

晚直卽事

直舍寧辭晚。清風禁苑過。荷喧香氣靜。日落鳥聲多。

畫楫全迷徑。朱欄獨倚蘿。退思靡寸補。空自嘆蹉跎。
直舍散步卽事

禁苑清光好。霞牆綠叶明。菱荷香水氣。鷗鷺肆閒情。
白塔長虹鎖。丹臺老樹擎。同人相倚徙。競擬到蓬瀛。

直舍觀荷

上林初雨歇。香氣滿荷池。衆綠團清影。紛紅鬪艷姿。
涼生忘伏暑。興至失衰遲。所愧承恩重。終朝厚祿糜。

夏日晚直卽事

炎暑夕陽天。荷香暖禁烟。深蘆藏浴鷺。古樹試新蟬。
坐久清風集。行遲皎月懸。婆娑忘晝永。老至興猶偏。

退直喜晴

西山盈紫翠。禁苑晚晴時。霧歛生高樹。雲歸動客思。
短垣來月早。幽砌下螢遲。聞說無妨稼。三農愜所期。
六月十七夜雨曉晴是日立秋

客中驚候改。况值病魔侵。夜雨秋聲滴。朝曦爽氣臨。
暮年愁易集。新序感彌深。夢幻浮生裏。惟慙負影衾。

署中立秋卽事

西清方日午。正是立秋時。颯颯西風至。陰陰暗雨隨。
鳴蟬因濕懶。落葉過堦遲。節換猶疑滌。豐登未易期。
新秋初霽夜坐

西山雨足收。殘月正新秋。露氣侵簾肅。螢光拂幔流。
鄉思繁夜靜。客况共杯浮。人世清宵幾。肯懷明日謀。
秋日直舍卽事

西清來爽氣。樹樹響秋聲。濕露低瑤草。輕雲拂鳳城。
蓼灘紅寂寞。蓮渚綠縱橫。日暮遙砧急。紛然動旅情。

六月晦日署中卽事

秋新將半月。暑盡是今朝。赤日渾忘畏。西風乍欲驕。
槐疎窓影碎。萩老水容消。節序驚駒隙。家園夢轉遙。

秋夜感懷

露滴黃昏候。涼颺帳影侵。吟蟲初試響。嚴漏漸驚心。
雪鬢燈前炯。青山夢裏深。秋宵千萬緒。衰病轉難禁。
初秋夜坐微雨卽席感賦

檻外秋聲急。黃昏細雨時。銜杯繁客緒。剪燭動鄉思。
蛩語喧還寂。螢光暗復遲。無窮蕭瑟意。愁夢且吟詩。

七夕直舍待漏候頌 宮殿告成恩詔

紫禁宣恩日。天孫織錦期。爐烟香曉霧。爽氣肅彤墀。
鳳閣星辰燦。龍章雨露垂。老臣雖蹇步。寧敢惜驅馳。
秋日送新安程幼洪館丈之任蘇州

崇儒昭 聖代。秉鐸藉賢良。優仕還從學之官。却到
鄉秋光。聯驛路。化雨過金闥。未許吳山月。淹留著作
郎。

直舍賜食紀恩

伴食懷慙甚。蒙 恩體恤周。仙厨珠粒粲。雜菹衆香
浮。一飯猶思報。千生詎足酬。旁皇衰朽意。覆餗益堪

五言律
卷之二
一五言律
憂

中元署中卽事

炎蒸秋轉熾，積霧宿莓苔。
玉陛行雲繞，龍樓急雨來。
可無妨歲事，但願免民災。
驚值中元節，老懷悶未開。

南苑雨夜集飲和憲石韻

蕭蕭風雨夜，已屆仲秋天。
新月濃雲遯，芳樽客緒綿。
同人寬善謔，孤枕耐遲眠。
聞道回鑿早，老臣興亦偏。

南苑夜雨

是夜秋分

秋林迷遠色。暮雨廣無垠。直幄宵初永。離宮漏正勻。
新寒清客夢。薄醉擲閒身。寂寞安吾素。無煩慕隱淪。

秋霽署中卽事

雨後秋中色。長空萬里清。嗟峨高閣迥。紫翠亂山明。
新月迎殘照。歸鴉遶禁城。晴光消受盡。無計佐昇平。

八月初九日退直卽事

斜暉盈直舍。早月已窺簷。旅雁高空沒。歸雲暮嶺潛。
秋光濃小飲。露色冷疎簾。一枕華胥近。渾忘白髮添。

八月十二日退直翫月

今歲中秋月清光。連夜同遙砧。殷玉宇。旅雁度寒空。
世事醜顏外。家山皓色中。人生幾邁此。况是白頭翁。

長安中秋望日翫月

皓色一何妍。今宵月正圓。西山羣壑曉。北闕萬珠懸。
客思秋光遠。鄉關桂影連。衰齡逢此夕。已足傲長年。

長安中秋望後一日翫月

望後月仍圓。連宵素魄鮮。砧聲清衆籟。露色冷高天。
小飲遲鄉夢。閒談薄世緣。坐深心亦皎。何事更逃禪。

八月十八夜月蒙有感

今宵月乍虧。却被暗雲欺。慘淡秋光失。蕭條病骨宜。
陰晴恒未料。進退貴兼知。玉漏隨砧急。浩然引我思。
中秋二十夜。小坐復喜得月。

玉漏聲初滴。東軒月上時。寒光淒嘹雁。素影靜高枝。
客緒清砧引。鄉心綠醞滋。秋宵偏耐老。不畏早霜欺。
八月廿六夜微雨小集

極日遙岑暗。濛濛雨足垂。風嚴秋易老。夜靜漏偏遲。
往事衰年集。鄉心故友知。不覺閒談久。蕭條薄醉宜。

九日直舍卽事

升高趨直舍。令序正重陽。鷺翮乘風健。寒雲帶日涼。
茱香盈紫陌。菊氣遶巖廊。喜傍恩光重。無煩佩紫囊。

九日友人招飲卽席有感

親朋九日逢。盡是他鄉客。玉露冷簾幙。金英輝綺席。
歡深薄醉遲。話劇清宵迫。歲歲此重陽。繁然今與昔。
菊月夜坐有感

秋老堂陽後。雁孤月皎時。巖霜欺雪鬢。殘菊耐清卮。
客緒新寒劇。詩情急漏追。衰齡當夜靜。任事不堪思。

立冬前一日退直卽事

淒風寒落日。秋盡是今朝。古樹頻辭葉。歸鴉欲蔽霄。
客心隨序冷。殘月帶霜凋。寂寞衰羸意。難堪鏡裏描。

冬日扈從南苑卽事

南苑鑾輿駐。西山肅隊迎。晚霞浮紫氣。歸獵競寒聲。
幕火繁星雜。林霜玉漏清。衰頽靡寸補。夢寐亦怔營。

小寒日再移直卽事是夜雪

離宮移蹕再。又是小寒時。直幄依林靜。迴颺舞雪遲。

燭花繁客夜。爐燼續鄉思。躑躅將終歲。摧頽益自知。

喜雪二律

天人相感速。主聖信能然。甫祝千箱瑞。旋敷六出妍。離宮森玉樹。廣陌徧瑤田。伴食嗟臣老。擁爐頌有年。

堯心憂歲豫。候雪表祥禎。有色連天白。無聲潤物宏。山山呈玉至。樹樹綴花迎。詎止三農慶。賡歌樂太平。

冬夜直幙感懷

寒宵羣動息。耿耿五更心。歲月愁中老。鄉關夢裏尋。

自知聞道淺。因悔溺緣深。永漏聲徐歇。依然絆組簪。

秋色

極目氣蕭森。遙空來遠岑。長林疎碧影。廣陌動清陰。
半似春容醉。渾添客思深。秋光今古惜。尤悵暮年心。

秋聲

秋來眾籟清。入耳自相迎。病葉空庭亂。吟蟲遶砌爭。
旅情佔萬戶。鄉夢漏三更。不必征鴻唳。偏饒靜裏聲。

秋山

秋至千山潔。天高萬壑幽。歸雲開鳥路。皜日析泉流。

翠靄當軒入。丹楓曲磴稠。寄言肥遯客。此際卽蓬丘。

秋水

渺。渺。秋。無。際。長。天。一。鏡。收。金。波。恒。助。潔。玉。露。暗。添。流。
高。雁。沉。疎。影。輕。鳧。泛。細。漚。塵。襟。浣。滌。盡。蘆。畔。隱。漁。舟。

秋日

四望寥天淨。三秋旭日升。碧梧晨露滴。紫岫暮霞蒸。
遠日清光展。幽懷爽氣澄。渾忘畏與愛。欲向最高憑。

秋月

月明光萬里。况是九秋時。列宿爭韜影。銀河僅露絲。

盈虛饒異彩。曉夕燦清姿。客久兼衰暮。翻然照所思。

秋夜

寒氣侵羅幌。蕭蕭夜正中。孤燈淒落葉。永漏絮寒蛩。
往事遙砧集。鄉心旅雁通。那堪殘夢斷。浙瀝五更風。

秋塞

蕭蕭邊風起。秋從塞上來。霜嚴寒古木。日白峻荒臺。
馬嘶關月影。笛嘯隴雲堆。老將酬恩誓。塵清萬里開。

秋圃

野圃盈蔬果。經秋赤色多。寒瓜沉蔓草。老芋賽新禾。

酒熟來隣叟。鋤閒發浩歌。耕漁吾弗羨。籬榭獨婆娑。

秋齋

小築貪幽徑。秋來澹遠宜。蕉窓涼雨後。菊砌早霜時。蟋蟀添吟興。蟾蜍壯酒思。不須窮域外。一室曠心期。

雪窓漫興

小築長安邸。巖居無此深。門前車馬絕。檻外雪風侵。箴俗酬圖史。怡情寄咏吟。漫言冬日短。靜極有餘陰。

齋居漫興 三首

北屋開南牖。繩牀煖氣侵。陳編來快友。午夢別塵心。

餌藥慚糜祿。篝燈懼負衾。願言辭世網。何必託高岑。

又

斗室晴光燦。朝曦上紙窓。攤書奇字出。煮茗淡烟香。
世險機關窄。心夷道味長。隣雞催暮景。意欲問壺觴。

又

勝友荒齋集。萍逢盡故鄉。論心通寤寐。問歲隔滄桑。
虎阜笙簫月。燕山嘹唳霜。家園何處是。隨地任徜徉。

寺居雪後卽事

欣逢初雪霽。蕭寺更相宜。靜對山光白。閒看樹影移。

饑鳥舒健翼。寒竹傲青枝。無限淒涼景。堪深道者思。

竹林寺看歸鴉

暮色西山至。寒鴉比翼時。行程殊近遠。歸計弗參差。
勢似朝宗急。心驚赴闕遲。難鳴清晝事。昏夜料無欺。

立冬夜卽事

三秋今夜別。客舍又初冬。月皎寒光動。風恬露氣濃。
良朋酣小飲。穉子豁愁眉。一枕羲皇夢。醒來已曙鐘。

送張聲子南還

羨君天下士。溷跡來燕遊。意氣雲霄迴。才名謝陸儔。

詩書敦古道。笑語破新愁。別緒縈樽酒。春深正虎丘。
送嚴子餐都諫給假南歸

讀書東觀日早結。聖明知抗疏承家學。掄才表勿
欺。鴻名君已集。尊膾我同思。寄語湖山主。秋深或可
期。

又

故園春正好。况荷主恩還。扞蓋丹誠著。陳情子道
全。東風催驛路。岸柳夾歸船。詩思江潮湧。應同諫草
傳。

哭王鐵山冢宰

萬丈凌雲氣。一朝石火同。鬚眉存骯髒。笑語挾雷風。
玉案修文迫。巖廊監業空。彼蒼難叩問。吾道信乎窮。
又

慷慨猶如昨。音容邈不留。文瀾千古息。吏績一時休。
泉夜知難免。丹心恨未酬。春光爲黯淡。老淚更難收。
七言律

丙申夏五再承 欽命寫像紀恩

恩光屢自九重來。再展生綃貌猥材。魏殺凌烟功汗

血漫誇肖象意摧頽。絲絲白髮沾。君寵耿耿葵心。
傍日開只恐殘齡如草露空餘陋影。厠蓬萊。

端午瀛臺侍宴紀恩

太液池邊景色稠。天中勝節壯宸遊。清風四至催
龍。梅碧影千層。遶鳳樓。率土爭懸長命縷。羣官遍飮
大庖。羞若非。主澤深於海。何自凡胎醉十洲。

直南苑 西宮卽事

鑿與駐處目圍長。雨後山山翠色蒼。一望平蕪疑海
濶。千行獵騎宛龍翔。霞光倒映霓旌燦。月影遙連野

氣涼自是宸遊多勝地獨慙伴食意徬徨

南苑喜晴

甘霖甫洽快新晴禁苑深林亂曉鶯萬里長空烟霧
淨千山繞翠碧霞盈雨暘時若天心應憂樂同民
主澤宏伴食衰庸何所事香焚午夜祝昇平

瀛臺值雨

雲師擁隊護離宮太液空濛雨氣中暗柳烟深迷宿
鳥虛堂溜激亂鳴蟲年衰益重歸途濶晝永翻嫌暮
色忽聞說歡情盈畝澮應知野老卜時豐

西苑喜晴

風雨初收爽氣偏。綠苔猶自帶輕烟。風搖荷露繁珠。滴魚弄荇絲細。浪旋視草餘閒。思問道忘機。此地勝逃禪。西山暮紫紛紅。至亟策歸鞭。薄醉眠。

賜蓮實紀恩

日傍芙蓉載筆遊。忽驚恩渥賜蓮稠。青房綴玉真堪羨。紫禁分甘豈易酬。冰檠盟心堅苦志。雪霜矢節勵清修。摧頽只恐如秋葉。未答涓埃負寵優。

初秋雨霽禁池荷花盛開

上林秋色醉如春。此日繁華簇水濱。翠蓋亭亭經雨碧。紅蕖灼灼映波勻。層城匝遶團香氣。曲檻平臨挹露津。芳艷人間容易有。可能爛熳脫緇塵。

秋日送新安程幼洪館丈之任蘇州

西風颯颯送行舟。千里秋聲接虎丘。翻借尊鱸滋宦味。不因鴻雁起鄉愁。希文義宅儀型在。安定師傳教育周。他日金閨還碩彥。王恩造就益難酬。

友人偶集小齋看菊

新寒凜冽曉霜濃。又是重陽客邸逢。白髮朝朝添旅

况黃花歲歲老秋容。佳辰促席朋情洽。逸興浮觴古
話重。漫說頽齡須菊制。只今年少亦相從。

冬日扈從南苑卽事

衰齡逐隊扈。離宮匹馬蕭蕭怯。晚風直幕參差
輦路側。霓旌掩映幔城中。數聲行漏清羣籟。一片寒
光肅。遠空聞道來朝冬狩舉。老臣不寐慶時隆。

冬十月從狩閱武恭紀

曉漏初傳。雕輦動千官。導引羽林翔。風旗扇翼移。
山足雪鎧騰。波浴日光漫。說軍容從細柳。親瞻聖

武試長楊。威行萬里。應無敵。佇息鯨。吹奠海疆。

南苑雪齋卽事

扈蹕離宮。初雪霽。衝眸曜色淨。高天無多野。屋依林。
至一半。青山傍闕。還幕外圍寒。今日甚。樽前偷暖。此
宵偏。生平往事。衰年省。漏盡何堪夜未眠。

哭王鐵山

萍聚長安十載中。追陪讌笑每相同。樽前雄辨空今
古。筆底宏詞撼岱嵩。盤錯逢君恒刃解。憂愁入腑遽
摧躬。至尊聞訃深傷悼。况是知交最老翁。

又

猶憶海棠花下飲。與君搦陣鬪雌雄。君方銳壘無降志。余亦攻堅占勁風。荏苒年華如夢幻。蹉跎世事總虛空。春宵一訣岐生處。不盡酸辛數語中。

集黃薛侯池亭卽席韻

和龔芝麓韻

長安久客竟忘歸。逆順紛紜總莫違。流俗已嗔人未擯。野鷗偏許我相依。烟村欲暮波光靜。古廟猶存世事非。何必江南春色好。楊花亦自遶簾飛。

酬謝憲石示詩

羨君詩思湧如泉。每日篇成句欲仙。俊逸清新追作者。風流儒雅自天然。枝啼好鳥添吟興。野送清風拂硯田。最是綠楊陰滿處。教人諷咏倍留連。

金文通公詩集卷之三目錄

吳江金之俊豈凡著

珥筆閒吟

五言絕

送秋月二首

喜雪二首

庭中珠藤一樹綠葉蔭覆清陰可愛因拈綠字

得五言六絕

七言絕

七夕漫賦二首

秋霽署中卽事二首

月夜看殘菊二首

送金閫沈雲賓任含山尉三首

送張聲子南還二首

送嚴子餐都諫給假南歸二首

哭王鐵山八首

送金君彩尉善化二首

假歸紀恩八首

金文通公詩集卷之三

吳江金之俊豈凡著

珥筆閒吟

五言絕

送秋月

丙申秋長安月色無夜不佳九月旣望更瑩
潔可愛惜乎序將入冬月已歷秋而秋且辭

月也感歎良辰詩以送之

秋深月倍明，宿鳥銜霜語。只恐小春催，月來秋已去。

其二

月滿重陽後，冰輪徹永漏。轉瞬欲辭秋，寒光可依舊。

喜雪二絕

年豐國之寶，六出呈祥早。堆素滿平臯，青山一夜老。

其二

司天占瑞兆，尺雪斯箱表。林曉夜禽驚，鬼寒鷹翮矯。

庭中珠藤一樹綠，葉蔭覆清陰。可愛因拈綠字。

得五言六絕

曉陰初映綠。碧影侵書屋。雞聲尚未已。車馬爭馳逐。

又

晨曦嬌嫩綠。滿目清光簇。趨直恨難遲。恐縻大官祿。

又

日午矜濃綠。新涼已謾謾。華胥夢醒後。自羨人天福。

又

薄暮斜陽綠。焚香竺典讀。蕭然萬慮清。肺腑辭榮祿。

又

雨後添肥綠。葉葉如新沐。披吟尊宿語。唯覺會心獨。

又

月明滋暗綠。如入深巖谷。無煩謝組簪。自信徂根宿。
七言絕

七夕漫賦二首

聞道僊期是七夕。那堪歲歲客中過。星房月帳愁離別。况復人間夢。可何。

其二

星河黯淡未分明。滿院秋蛩亂客情。漫說仙槎真遠。

渡巫山雲雨或寒盟

秋霽署中卽事

淨捲氛埃餘爽氣。碧空萬里秋無際。
凌霄殿閣絢晴霞。遶闕峰巒羅黛髻。

其二

署尾餘閒對落暉。暮雲冉冉幾西歸。
終朝素食君恩負。空憶蓴鱸心事違。

月夜看殘菊

從來晚節貴餘香。獨有黃花畧長翠。
葉離披芳骨

老欣逢皓月照寒裝

其二

風霜偏耐菊花枝。不逐春葩鬪艷姿。勁節雖慙松與栢。素心堪對月明時。

送金閭沈雲賓任含山尉

善音律併書

繇來吏隱半神仙。况是風流文采全。漫說官卑才恨大。華陽絕頂任揮絃。

又

長安片月幾流連。鄉夢忽隨宦興牽。聞道官衙江畔

枕鱗魚五月正肥鮮。

又

每向樽前挹曠懷。愁城破盡暢談諧。從茲筆陣煙雲湧。故國江山入境佳。

送張聲子南還

從來話別添惆悵。此日君歸我解頤。一路黃鸝啼不歇。故園烟景富新詩。

又

帝城春早策歸鞭。正是江南艷麗天。寄語山公休記

憶垂虹。楓落我應還。

送嚴子餐都諫給假南歸

長安春色恰芳菲。爲送歸舟。雨雪飛。放鶴亭邊應暫
憇。巖程亟赴勿遲違。

又

羨君此去值佳辰。滿目韶光映水濱。漫說時清靡闕
事。還資獻替達楓宸。

哭王鐵山

記得相期歸去日。君來笠澤我邗溝。好追洛社耆英

會奚故寒盟赴玉樓。

又

我比君年長六齡。摧頹寧似爾揚靈。祗因恃壯嬰沉疾。老者孤存轉涕零。

又

雖登宰執播光譽。滿腹經綸尚有餘。女嫁男婚都未畢。一朝溘露最堪歔。

又

人世浮名幻泡然。得無名盛反爲愆。不如碌碌遺人

齒。或。者。紫。虛。猶。未。宣。

又

封。章。纍。纍。著。丹。誠。身。後。主。知。更。莫。京。賻。錫。頻。加。洵。
異。數。夜。臺。何。以。效。忠。貞。

又

此。日。哀。榮。道。路。喧。生。前。逆。順。豈。須。論。應。知。感。激。臣。僚。
遍。况。是。銜。恩。到。九。原。

又

君。本。仙。都。採。藥。翁。特。來。苦。海。鍊。圓。通。從。今。坦。腹。掀。髯。

去長嘯鴻天紫月中。

又

自知遊戲落塵緣。深悔沉淪六十年。一念迴光醒大夢。灑然不受世情牽。

送金君彩尉善化

一路江流痾客程。烟波萬里曠心情。洞庭過盡官衙到。笋茁鱗肥足祭羹。

又

漫說官卑未稱才。琴堂佐理亦悠哉。三湘自昔饒名

勝嶽麓山頭好句裁。

假歸紀恩八首

每從夢裏到家山，不禁醒來淚欲潺。
七疏陳情蒙報可，扁舟亟載主恩還。

又

長安十載送秋深，白髮黃花悵客心。
微被恩光三徑闢，刻期秉燭恣幽尋。

又

非爲尊鱸思故鄉，只因壠墓曠蒸嘗。
君王洞悉臣

情至錫類恩濃喜欲狂。

又

伴食黃扉已六年。久宜幽黜罷歸田。何期
王聖容
臣拙猶勒嚴程戒早旋。

又

布帆飽挂驛歸津。一路和風暖水濱。非是
小春剛應
節。主恩深厚總回春。

又

人世百年猶旦暮。那堪十載一回家。若非
聖主垂

思遲極目鄉關夢轉賒。

又

蕭蕭匹馬出京畿。敢謂清風兩袖希。晝夜兼程弛警柝。舟輕似葉逐鴻飛。

又

灑淚陳情荷主知。十年苦緒頓舒眉。銜恩更有難酬處。子送親歸誰可期。